

БАТЛАВ
БАЙГАЛЬ ОРЧИН, АЯЛАЛ ЖУУЛЧЛАЛЫН
ЯАМНЫ ТӨРИЙН НАРИЙН БИЧГИЙН
ДАРГЫН АЛБАН ҮҮРГИЙГ ТҮР ОРЛОН
ГҮЙЦЭТГЭГЧ

..... С.ЦОГТГЭРЭЛ
2024 оны 04 дүгээр сарын 30

ИДЛЭГ ШОНХОР ШУВУУНЫ (*Falco cherrug*) ТАРХАЦ НӨӨЦИЙН СУДАЛГАА
ХИЙХ, ЗОХИСТОЙ АШИГЛАХ ХЭМЖЭЭГ ТОГТООХ ЗӨВЛӨХ БАГИЙН АЖЛЫН
ДААЛГАВАР

2024 оны 04 дүгээр сарын 30-ны өдөр
хот

Улаанбаатар

1	Үндэслэл	<p>Идлэг шонхор шувуу нь Олон Улсын Байгаль Хамгаалах Холбооны Улаан дансны шалгуураар Олон улсад болон манай орны хувьд эмзэг зэрэглэлд багтдаг, CITES-ийн II хавсралтад бүртгэгдсэн. Энэ зүйл шонхор нь манай орны хувьд нүүдлийн, үрждэг зүйл бөгөөд бие гүйцсэн зарим бодгалиуд идэш тэжээл (үлийн цагаан оготно)-ээс хамаарч Монгол орны төв, зүүн, өмнөд нутгаар өвөлжинө.</p> <p>Үлийн цагаан оготно, чичүүл зэрэг мэрэгч ихтэй голын болон уулсын хөндий, ойт хээрийн задгай хэсэг, нам уулсын энгэр бэлээр байршижтай. Хөвсгөл, Хангай, Хэнтийн гүн тайга, өндөр уулсын 3000 м-ээс дээш өндөрт тэмдэглэгдээгүй бөгөөд бусад бүхий л нутагт харилцан адилгүй нягтшилтай тархана. Говь цөлд тоо толгой цөөн, идэш тэжээл болох жижиг шувууд, мэрэгч элбэгтэй бүхий л амьдрах орчинд амьдардаг.</p> <p>Байгаль орчин, аялал жуулчлалын яамнаас идлэг шонхор шувууны тоо толгой, тархац нөөцийн судалгааг 2018 онд ШУА-ын Ерөнхий болон сорилын биологийн хүрээлэнгээр хийлгэхэд тархац нутагтаа 10380 бодгалийн нөөцтэй, нийт нөөцийн 30 орчим хувийг залуу шувууд эзэлж байгааг тогтоосон бөгөөд үүнээс хойш тоо толгой, тархац нөөц хэрхэн өөрчлөгдсөн эсэх талаарх мэдээлэл байхгүй байна.</p> <p>Иймд Засгийн газрын 2020-2024 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөөн дэх ашиглалтад өртөмтгий ургамал, амьтны тархац нөөцийг үе шаттай тогтооно зорилтын хүрээнд конвенцийн II хавсралтад бүртгэгдсэн зүйлийн олон улсын худалдааг хяналт зохицуулалттай явуулах бодлогын хэрэгжилтийг</p>
---	----------	---

		хангаж Байгаль орчин, уур амьсгалын сангийн санхүүжилтээр хийж гүйцэтгэхээр төлөвлөсөн болно.
2	Зорилго	Идлэг шонхор шувууны Монгол орон дахь тархац нутгийн хэмжээ, байршил, тоо толгойг нарийвчлан тогтоох, ашиглах боломжтой хэмжээг аймаг бүрээр тогтоох судалгааг шинжлэх ухааны үндэслэлтэй тогтооход энэхүү ажлын зорилго оршино.
3	Зорилт	1. Монгол орны Идлэг шонхор шувууны тоо толгойн тархац нөөц тогтоох судалгааг шинжлэх ухааны суурь болон орчин үеийн арга зүйн дагуу хийж гүйцэтгэх, 2. Идлэг шонхор шувууны тархалт, нөөц болон нягтшилын мэдээг тархац нутгийн болон бүс нутгийн хэмжээнд шинжлэн дүгнэж зохистой ашиглах боломжит нөөцийг тодорхойлсон зөвлөмж боловсруулах
4	Гүйцэтгэх ажил	Зөвлөх үйлчилгээний ажлын хүрээнд дараах үр дүнд хүрсэн байна: <ol style="list-style-type: none"> 1. Идлэг шонхор шувууны тархацын судалгааг Монгол орны хэмжээнд хийх; 2. Идлэг шонхор шувууны биологийн нөөцийн судалгааг хийж тоо толгойг нарийвчлан тогтоож, сүргийн бүтэц, нөхөн үржлийн мэдээллийг нэгтгэн дүгнэсэн байх; 3. Идлэг шонхорын тархац нөөцийн зураглал хийсэн байх; 4. Тархцын зургийг холбогдох мэдээллийг агуулсан shp өргөтгөлтэйгөөр тайланд хавсаргаж ирүүлсэн байх; 5. Судалгааны тайланг http://eic.mn/fauna/ мэдээллийн санд оруулсан байх; 6. Тооллогын нэгдсэн дүнг үндэслэн ашиглалтын нөөцийг тогтоож зүй зохистой ашиглах зөвлөмж дүгнэлт боловсруулсан байх; Ажлын үр дүнг хүлээн авах: <ul style="list-style-type: none"> • Уг ажлыг 6 сарын хугацаанд хийж гүйцэтгэн, ШУА-ийн Биологийн хүрээлэнгийн эрдмийн зөвлөлөөр хэлэлцүүлэн баталгаажуулсан тайланг файл болон хэвлэмэл хэлбэрээр 3 хувь ирүүлнэ.
5	Зөвлөх үйлчилгээ үзүүлэх багт тавих шалгуур	Зөвлөх үйлчилгээ үзүүлэх баг: <ol style="list-style-type: none"> 1. Зөвлөх үйлчилгээний баг нь 8-аас доошгүй гишүүнтэй байна. Үүнд: Багийн ахлагч-1, 7-оос доошгүй гишүүнтэй байх; 2. Зөвлөх үйлчилгээний багийн бүрэлдэхүүнд тавигдах шаардлага:

		<ul style="list-style-type: none"> • Багийн ахлагч шувуу судлалын чиглэлээр мэргэшсэн докторын зэрэгтэй байх; • Багийн 3-4 гишүүн нь шувуу судлалын чиглэлээр ажилладаг, магистрын зэрэгтэй байх; • Өмнө нь ижил төстэй төслүүдэд ажиллаж байсан туршлагатай бол давуу тал болно. <p>3. Багийн гишүүдийн 60-аас дээш хувь нь судалгааны ажлын чиглэлээр төрийн болон хувийн хэвшлийн байгууллагад тухайн байгууллагад 3-аас доошгүй жил ажилласан үндсэн ажилтан байх;</p> <p>4. Багийн гишүүдийн 50-аас доошгүй хувь нь тус байгууллагын үндсэн ажилтан байх ба нийгмийн даатгалын шимтгэл төлөлт сүүлийн 3 сарын хугацаанд тасралтгүй байх;</p> <p>5. Англи хэлний дундаас дээш түвшний мэдлэгтэй байх;</p> <p>6. Хийсэн бүх материалыг чанарын өндөр түвшинд архивлаж хүлээлгэж өгөх.</p>
6	Мэдээллийн нууцлал ба үр дүн	Байгаль орчин, аялал жуулчлалын яамны албан бичгийг зөвшөөрөлгүйгээр гуравдагч этгээдэд шилжүүлэхийг хориглоно. Ажлын хүрээнд боловсруулсан мэдээлэл, төлөвлөгөө, тайлан зэрэг баримт бичиг нь захиалагч талын өмч байна.
7	Ажил гүйцэтгэх хугацаа тайлангийн бүрдэл, зохион байгуулалт	<p>Гэрээ байгуулсан өдрөөс хойш 6 сарын хугацаанд багтаан гүйцэтгэж тайланг хүлээлгэн өгсөн байна.</p> <ol style="list-style-type: none"> 1. Гэрээ байгуулснаас хойш хуанлийн 5 хоногийн дотор хээрийн судалгааны ажлыг хийж гүйцэтгэх төлөвлөгөөг боловсруулж захиалагч талд танилцуулсан байна. 2. Гэрээ байгуулснаас хойш хуанлийн 10 хоногийн дотор хээрийн судалгааны ажлыг эхлүүлсэн байна. 3. Гэрээ байгуулснаас хойш хуанлийн 30-90 хоногийн дотор судалгааны ажлын явцын тайланг ирүүлэх ба ажлын төгсгөлд БОАЖЯ-ны Амьтны Мэргэжлийн зөвлөл болон захиалагч талд танилцуулж, тайланг хүлээлгэн өгсөн байна. 4. Гэрээ байгуулснаас хойш хуанлийн 180 хоногийн дотор Байгаль орчин, аялал жуулчлалын яамны Байгалийн нөөцийн бодлого зохицуулалтын газарт тайланг хүлээлгэн өгсөн байна. <p>Гэрээт ажлын тайланг ажлын даалгаварт заасан бүх ажлыг хийж гүйцэтгэсний дараа гэрээ байгуулсан өдрөөс хойш 6 сарын хугацаанд багтаан гүйцэтгэж хүлээлгэн өгсөн байна.</p>

		Ажил гүйцэтгэгч нь дээрх хугацаанд БОАЖЯ-ны БНБЗГ болон бусад холбогдох төрийн болон төрийн бус байгууллага, орон нутгийн түвшний оролцогч талуудтай нягт хамтран ажиллана. Ажил гүйцэтгэгч нь учирч болзошгүй эрсдэлийг цаг хугацаанд нь олж тогтоох үүнээс үүдэн үйлчилгээ үзүүлэх хугацаа ямар нэгэн байдлаар хэтрэхээр бол энэ тухай урьдчилан мэдэгдэнэ.
8	Захиалагч байгууллага	Байгаль орчин, аялал жуулчлалын яам
9	Төсөв	Байгаль орчин уур амьсгалын сан, 100 000 000 /Нэг зуун сая төгрөг/